

## Soi Sumiât

'O vorès jessi te lune  
par fûi ogni rumôr,  
e cirì ancje furtune  
par cuistâ il bon umôr.

Cul pensâ m'instupidivi  
e po' dopo soi sumiât,  
une gnòt che ben durmivi  
mi pareve .. realtât.

O ce ben ce ben ch'o stevi  
cujetut e rilassât,  
ta chel siun che jò fasevi  
legri legri riposât.

Ma di colp scugnì sveâmi  
pal sunà di chel orloi,

## *Poesie e Racconti Friulani*

che m'invide a preparami  
e di viargi ben i voi.

Di buride cori vie  
e par nuje ve studiât,  
po' frontà la compagnie  
l'insegnant un grun rabiât.

Ma s'ò fòs a stà te lune  
'o starès cujet in pàs,  
di premuris mai nissune  
il biel vivi che mi plàs.